

2014 жылғы 13 маусым
10-00 с.
А312 кабинет (3 қабат)

**«Қазақстан Республикасының кейбір заңнамалық актілеріне
сауда қызметін реттеу мәселелері бойынша өзгерістер мен
толықтырулар енгізу туралы» Заң жобасы бойынша
БАЯНДАМА**

Құрметті депутаттар!

«Қазақстан Республикасының кейбір заңнамалық актілеріне сауда қызметін реттеу мәселелері бойынша өзгерістер мен толықтырулар енгізу туралы» Заң жобасы (бұдан әрі – Заң жобасы) Парламент Мәжілісінің қаруына еңгізілді.

Заң жобасымен келесі заңнамалық актілерге:

1. «Әкімшілік құқық бұзушылықтар туралы» Кодекске;
2. «Сауда қызметін реттеу туралы» Заңға;
3. «Тауар биржалары туралы» Заңға түзетулер енгізу ұсынылады.

Заң жобасында көзделген түзетулер ішкі және сыртқы сауда, биржалық қызмет, сондай-ақ электрондық сауданы жетілдіру саласындағы құқықтық қатынастарды жетілдіруге бағытталған.

Заң жобасында:

I. ІШКІ САУДА БӨЛІМІНДЕ:

- 1) азық-түлік тауарларының табиғи шығындалу нормаларын бекіту бойынша Қазақстан Республикасы Үкіметінің құзыретін бекіту;
- 2) жаңа «сауда желісі» ұғымын енгізу;
- 3) әскери, нысанды және арнаулы нысанды киім-кешек заттарына жататын тауарларды еркін сатуға шектеулер белгілеу.

II. СЫРТҚЫ САУДА БӨЛІМІНДЕ:

- 1) тауарлардың жекелеген түрлерін әкетуге тарифтік квота, әкету баждарын қолдануға Үкімет құзыреттілігін бекіту;
- 2) тарифтік емес шараларды: тыйымдар мен сан жағынан шектеулер, лицензиялау, автоматты түрде лицензиялау, айрықша құқық қолдану тәртібі бөлігіндегі нормаларды халықаралық шарттарына сәйкестендіру;

3) «сыртқы саудаға қатысушылар» «кедендік әкелу/әкету бажы» ұғымдарын енгізу;

III. БИРЖАЛЫҚ САУДА БӨЛІМІНДЕ:

1) толық электрондық биржалық сауда-саттыққа көшу;

2) «Тауар биржалары туралы» Заңның талаптарын орындамағаны үшін, оның ішінде:

- тауар биржаларының сауда қызметін реттеу саласындағы уәкілетті органға есептілікті бермеу үшін;

- тауар биржасының биржалық сауда-саттықтардың нәтижелері туралы ақпаратты өзінің интернет-ресурсында жариялау, биржалық тауарлар тізбесіне енгізілген тауарларды тауар биржалары арқылы сату бойынша талаптарды орындамағаны үшін әкімшілік жауапкершілікті белгілеу.

IV. ЭЛЕКТРОНДЫҚ САУДА БӨЛІМІНДЕ:

1) «электрондық сауда» ұғымын енгізу және электрондық сауданы жүзеге асыру тәртібін регламенттеу;

2) электронды сауданы жүзеге асыру кезінде сатушының, оның ішінде сатушының өзі туралы ақпаратты ұсыну бойынша міндеттерін бекіту;

3) іс жүзінде жұмыстарды орындамай, қызмет көрсетпей, тауарларды тиіп жібермей, құқыққа қарсы мақсаттарды көздеген телекоммуникациялық желілерде жасалған мәміле үшін әкімшілік жауапкершілікті енгізу;

4) электрондық сауданы жүзеге асыру кезінде тұтынушылардың құқықтарын қорғау туралы нормамен толықтыру.

Назарларыңызға рахмет!